

Gazetta da scoulas



Chasa da scoula da Scuol cun chasa da scoula veglia e nouva, instrui vegnimplü i'l Mailer (provisor) ed i'l bogn/sala da gimnastica Quadras. Las 3 scoulinas as rechattan illa chasa du Parc.



La scoula da Tarasp as rechatta illa veglia chasa cumünala, implü vegna instrui illa chasa Uorgia (sala da gimnastica e schler da protecziun) ed i'l magazin forestal a Craps.



Chasa da scoula da Sent, la scoulin da Sent as rechatta in cumün illa centrala.



La chasa da scoula dad Ardez tocca bainbod eir pro la scoula da Scuol.



La chasa da scoula da Ftan.

Gazetta ufficiala da la scoula da Scuol chi cuntegna il Novisco da Ftan, il Taraspit da Tarasp, il Sain da scoula da Scuol e la Barsocca da Sent ed in futur lura amo la pagina dad Ardez. Quista gazetta vain edida duos jadas l'on e scumpartida in mincha chasada.

La chasa da scoula cun seis uffants es il cour d'ün cumün. Quist es eir stat il motiv chi s'ha fixà illa missiva dal cumün da Scuol fusiunà, cha las scoulas dessan gnir manadas inavant illas fracziuns e quai uschè lönch cha las cifras da scolars permettan una buna scolaziun in talas. In nossa príma gazetta da scoula ans staja a cour da preschantar nossra scoula cun sia glieud e seis stabilimaints. Quia be ün pér cifras per cha vo as possat metter avant che vita chi regna in nossas scoulas (las cifras chi seguan cumpigliant las fracziuns da Sent, Tarasp, Ftan e Scuol. Ardez e Guarda fan amo part i'l consorzi da scoula A-Z e nu sun amo integrats a Scuol – vair pagina 4):

No vain 4 scoulas in 11 stabilimaints e quistas scoulas vegnan manadas da quatter manadras e manaders da scoula chi sun tuots eir magisters ed uschè colliats culla pratcha. In quellas 4 scoulas instruischan 59 magistras e magisters (blers eir a temp parzial) a 386 scolaras e scolars da scoula e scoulin. Interessant es cha in tuot las fracziuns insegembel restan las cifras dals scolars pels prossems 5 ons constantas, pro annada plü o main 40 uffants. Prognosas a plü lunga vista nu's poja amo far.

PLAZZA DA SCOULA

Pro nossa scoula daja duos plazzas da scoula, üna per autos ed üna per nus. Eu chattess flot cha quella dasper la plaza da scoula vessan nus e l'otra pels autos. Pervi cha lura eschna güst daspera e nu stuvin cuorrer in scoula. Eu chattess flot cha nus tschüffessan goals, uossa vaina be üna veglia chavogna da basket.

Zeljko Milojevic, 6 avla



tema dal'on

Nus vain minch'on ün oter tema da l'on, quist on vaina il tema ROUDAS, a mai plaschess eir il tema natüra o Svizra . Il prüm di da scoula chattaiv'eu fich flot. Nus vain fat üna sort cuorsina dad autos. Nus vain fat eir ün disegn da veiculs cun differentas roudas.

Claudio Regli 5 avla



Meis rom predilet es gimnastica, quai vaina gövgia las 8:50 fin las 9:35 cur chi'd es posa, venderdi davomezdi da las 14:15 fin las 16:00 vaina eir gimnastica. A mai plascha gimnastica, pervi ch'eu n'ha jent chis'es in movimaint. Eu chat bod ün pa pluffer cha nus vain bod minchadi a las ot a bunura matematica, pervi cha a las ot nu suna amo sdrueglià inandret.

Gian-Andrea Bettchart, 6 avla



Scoula in movimaint

Nus vain il böt da far bler sport. Nus fain posas da 5 minutus ed in quist temp faina bler movimaint, sco p.ex.: tour ün oget, far gös cun sopchas, cun cordas, jonglar, ballar, siglir la corda, zoppar üna balla e tscherchar, far che cha nus lain o salatta da frütta. Mincha di ha ün'otra magistra la posa da 5 minutus.

Roba dutscha nu pudaina mangiar illa posa. Las magistras lessan cha nus mangian ün mail o otra roba sana. Ma nus mangiaiñ plü jent pan, stortins o bütschaladas. Eu chat flot cha nus eschan üna scoula in movimaint, pervi cha no fain blera roba speciala dadoura. Perquai faina eir blers viadis illa natüra.

Ladina Ammann, 5 avla

NOSSAS LOCALITATS

Nus vain tschinck stanzas da scoula. I sun 17 uffants chi van qua a scoula. In üna stanza es la 1. 2. e 3. classa ed in tschella la 4. 5. e 6 avla. Nus vain ün magister da religiun e set magistras, la gronda part a temp parzial. A mai para qua fich flot !!!

Nus vain da chaminar 10 min. per rivar giò'n cusir e 5 min. per rivar a zambriar! Nus vain zambriar aint ill'ufficina dal schler da defaisa !!! e cusir aint il depo da pumpiers !!!!!!!!

Elena Niederhauser, 4. classa

progets

Nus fain part al proget MINT-Alp. Quai chat eu cool, schico cha nus imprendain bler sur dal provedimaint da l'aua e sur dals reservoirs. Là fan eir part otras scoulas. L'ultima jada vaina fat l'on 2012. Nus fain experimaints differents per exaimpel cun canisters chi sun in fuorma da chasas e reservoirs per verer cura cha l'aua cula aval e sch'ella sa cular amunt. E nus vain eir discutà schi'd es adüna listess bler'aua sül muond.

Noah Damerow, 5avla

Datas specialas

Üna data ch eu n'ha fich gugent es il marchà d'Advent . Ün pêr dis avant zambriaina roba da Nadal. A mai am plascha impustüt cur chi naiva ed es fraid, lura para cha Nadal es quel di.

Nadal da scoula

Pel Nadal da scoula faina adüna ün teater da Nadal o cha nus giain cun lanternas intuorn cumün. Quai am para fich flot, pervi cha lura esa bainbod Nadal .

Nus vain eir otras datas specialas sco per exaimpel Chalandamarz, finischiu da scoula, di da futur e match da hocai!!!

Ana Dos Santos Alves, 5 avla

NOVISCO

Ftan



La plu" gronda classa ha 9 scolars, e la plu" pitschna 1 scolar.

Id es bel chi sun da tut las etats d'uffants in quista chasa da scola.

Da nessa chasa da

Hierander	Mario	Silvia
CHIARA	Chiara	Tina
Jasmin	DARIO	Irene
		Flavia
Sandro	BELA	LINA
Fabrizio		
Bianca		
Loris	ANDRI	
GILDA	AHND	
Sandro	MA	
	JARNO	
	Cristina	
	MICHAEL	
SIENNA	Andri	SORAJA
	Laurinne	

Scola as vezza via Tarasp

A mai plescha cha nessa

La scola es fotta perche

Nessa scola es

scola ha un parlament.

ch'i sun be 33 scolars.

nuot la 1-chabellera

Il cussagl da scoula

Daspö precis ün on es il cussagl da scoula in sia nouva fuorma in funcziun, quai voul dir cha no vain ün cusglier o üna cusglieria our da mincha fracziun ed implü vain pro il cusglier da cumün chi maina il decasteri scoula. Quista fuorma dal cussagl da scoula porta bler, uschè vegnan insemel tuot differentas ideas ed implü sun bleras fatschendas plü anonimas. Eu das-ch propcha dir cha'l cussagl da scoula actual collavura bain e chi sun tuot persunas chi sun interessadas da chattar bunas soluziuns a favur dals uffants e chi sun prontas per ün consens, eir schi nun es adüna simpel.

Cun quai cha las lezchas d'ün cussagl da scoula sun uschè variadas e multifaras, provaina da chattar üna via tanter politica strategica e noss 5 mainascoulas chi sun ill'operativa. Quista via es però amo lunga. No vain l'on passà gnü dad inviar, elavurar e schoglier da tuotta sorts lezchas. In prüma lingia provaina da simplifichar ed unifichar tschertas robas in tuot las scoulas, da trar a nüz las sinergias, però adüna aviod in ögl la diversità e l'orma da mincha scoula.

Intant toccan pro nossa scoula las scoulas da Ftan, Scuol, Sent e Tarasp. Ardez e Guarda fan pel mumaint amo part al consorzi da scoula A-Z. Cun quai cha'ls contrats da quel consorzi düran be fin la fin da l'on da scoula 2016/2017 ans vaina miss a la laver per verer co manar inavant la scoula primara dad Ardez e co integrar ils scolars dal s-chalin ot dad Ardez e Guarda i'l nou cumün da Scuol. In quist connex vaina previs dad organizar ad Ardez üna sairada d'infuormaziun, ingio cha no pudain declarer in detagl ils differents pass cha no vain fat, infuormar sur da cifras da scolars ed impustüt muossar ils avantags ed ils dischavantags da las differentas pussibilitats. In seguit a quista infuormaziun as traraja lura las decisiuns davart la fuorma da la scoula primara ad Ardez e davart il lò da scoula dal s-chalin ot. L'invid per quista sairada vain publichà a temp ütil illas chaistas nairas, implü va'l a tuot ils genituors dals uffants pertocs ed a la magistraglia.

Scha vo vaivat dumondas, tschögns o eir problems chi pertoccan las scoulas o chi s'occupan schi as pudaivat adüna drizzar a no dal cussagl da scoula, il meglider a quel da vos cumün chi cugnuoscha a sia scoula, però eir tschellas cusgliers e cusgliers stan jent a disposiziun. Per cha vo sapchat chi cha no eschan ans laina preschantar be cuort:



Avant desch ons sun eu gnüda dumandada sch'eu am less metter a disposiziun pel cussagl da scoula a Sent – cun che lezchas ch'ün cussagl da scoula s'occupa nu savaiva quella jada – però las differentas vistas, saja sco cusglieria da scoula e commembra in un team, sco mamma da traies uffants e la vista sco genitur, ed eir mi'aigna experienza da scoula, m'hant motivaziun per quista sfida.

Eu sun creschüda sü a Ftan e stun uossa ün pa daplü co 20 ons a Sent. Eu n'ha stübgia architectura e laver independentamaing. Sper las sfidas dal minchadi sun eu jent illa natüra, far cul fain d'instà, culs skis d'inviern e minchatant eir darcheu in gita.

Seraina Felix-Gallmann, Sent



46, magister da sport, 4 uffants, sun jent dadoura in muntogna ed illa naiv.
Meis motto: Üna buna fuormaziun es la basa per nos bainstar. Per quai m'ingascha.

Peter Fröhlich, Ftan



Eu stun daspö il schner 2010 a Guarda. Avant vivaiva a Dübendorf sper Turich. Là n'haja frequentà la scoula primara e secundara. A Turich n'haja lura absolt il giarsunadi da commerzi pro la sgüranza Vaudoise.

Daspö il 1999 (il prüm Suva Turich, uossa Suva Cuoir) lavura 40% sco specialista da dons

pro la Suva. Meis uffants sun 13 ons, 5 ons e 5 mais, e meis hom es Engiadinalais. A Guarda n'haja amo üna pitschna butia, ingio ch'eu vend 'souvenirs' engiadinalais sco tuortas da nusch, meil, erbas da Guarda e bler oter.

Nina Häfner, Guarda



Davo nouv ons i'l cussagl da scoula dal cumün da Scuol, n'haja quist on surtut il presidi dal 'nouv' cussagl da scoula dal cumün fusiunà. A mai plascha da collavurar uossa cullas fracziuns plü pitschnas, dad avair invista in cumplietta-

maing differentas scoulas e da m'ingaschar per üna buna scolazion per tuot ils uffants da nos cumün. Quista sfida es gronda.

Eu n'ha stübgia scienzas forestalas e laver parzialmaing i'l Parc Nazional Svizzer ingio ch'eu sun responsabla pels programs per las scoulas indigenas. Implü instruischa als bos-chers illa scoula industriala a Samedan. Però in prüma lingia suna mamma da traies uffants e mias grondas paschiuns sun la natüra, l'ir ad alp ed il clown.

Anna Mathis, Scuol



Davo ch'eu n'ha dat 42 ons scoula d'economia e blers cuors, am n'haja mis-sa a disposiziun sco cusglieria da scoula per nos cumün. Per mai es la collavuraziun in quist bun e conscientius gremi ün plaschair ed eu sper cha no possan acquistar bunas chosas a favur da noss uffants.

Annina Mengardi, Ardez



No stain a Chants illa fracziun da Tarasp. No gestin üna pau- raria cun vachas, bescha, lamas e cunigls. Creschüda sü suna a Baar e n'ha absolt la ün giarsunadi sco impiegada da com- merzi e sco schnedra da duonnas. Quia illa gestiun da nos bain suna responsabla pel büro, pella producziun e la vendita directa da noss prodots e per nossa butia. No vain duos uffants, Elena va in quarta classa e Nic illa seguonda classa a Tarasp. Eu sun fich jent da-doura illa natüra, sun jent insemel cun amis e cus e zambriesch fich jent.

Barbara Niederhauser, Tarasp



Quella jà cur ch'eu d'eira scolar vaiva Ftan amo ün s-chalin ot e sü l'Institut pudai- van ir be las mattas! Uschea sun i eir eu oura Cuoria al seminar e plü tard a Basilea a la scoula sociala. In seguit n'haja lura accumpagnà uffants,

giuvenils e plü tard senioras e seniors. Eu n'ha vairameng adüna tscherchà nouvas sfidas ed inscntrà uschea interessanta glieud, fat cugnuschentscha cun differentas mentali-tats e linguas sainza avair fat ün viadi intuorn il muond.

Ün'otra paschiun es adür'amo il far da paur. La persuasiun cha davo minch'inviern vain la prümvavaira m'ha muossà d'avair quella pazienza necessaria sco basa per provar e ris-char nouvs pass. Eu n'ha adüna eir praktichà plüs mansters, m'ingaschà in multifarias incumbenzas e giodü las bellezas e digeri dis-gusts.

Reto Pedotti, Ftan, cusglier cumünal cul deca- steri scoula – ed uschè eir cusglier da scoula

Las scoulas manadas a Ftan, Scuol, Sent e Tarasp ed in avegnir eir ad Ardez

Chara lectura, char lectur

„Fa attenziun, scha tü nu taschast subit stoust ir pro'l directer e quel at spedischa lura da la scoula!“ E lura saraja stat da cloccar avant co entrar in quel bürö ingio chi's rechattava ün homun grit chi faiva tschüffer la pel giallina be cun til verer, na da pensar che chi capitaiva scha quel riviva la bocca. Uschè situaziuns as cugnuoscha da films, ma sgüra chi saran capitadas uschè situaziuns eir illa vita reala. La vita illas scoulas s'ha müdada per bainquant dûrant ils ultims ons, eir in nossas scoulas da la regiun. Avant divers ons saran ils scolars its la bunura a las 8 a scoula, a las 12 gnivna a chasa, a las 13.30 gaiavnna a scoula ed a las 15.30 gnivna a chasa. Di per di listess, be la gövgia e sonda davomezdi d'eira liber. Ils magisters decidaivan lura, cur chi dess gnir fat lingua, cura quint, minchatant gniva disegnà e tenor ora gniva fat gimnastica dadoura. E l'inspector gniva üna jada l'on a far la visita e verer „che cha'ls scolars san“.

Hozindì es tuot ün pa oter. Nus vivain in üna società multiculturala. Ils uffants vegnan cun fich differentas premissas a scoula: uffants da differentas linguis, uffants da differentis ambiants socials - las pretaisas invers la scoula sun crescüdas. Uffants cun difficultats d'imprender ed uffants cun impedimaints o cun cumportimaints insolits vegnan integrats i'l minchadi da l'instrucziun regulara e nu vegnan plü exclus da las classas. I'l differents s-chalins vegna collaurà bler daplü. Ils uffants vegnan instruits in passa 15 differents roms da scoula (p. ex. in 3. classa dal s-chalin ot) e da plüssas differentas magistras e magisters chi instruischan per part in differents cumüns. Differentas nouvas incumbenzas sun gnüdas surtuttas da la scoula in collauraziun cun differentas instanzas: p. ex. la tscherna da professiun. Las magistras ed ils magisters nu sun plü be „allrounders“ chi instruischan tuot ils roms, i dà adüna daplü specialists chi instruischan be amo singuls roms.



Il team da manadras e manaders da scoula cun Mario Rauch (Scuol), Aglaia Gallmann (Tarasp), Martina Näff (Ftan) e Gian Caviezel (Sent)

Id es evidaint cha metter tuot quist suot ün tet nun es plü uschè simpel e cha per cusglieras o cusgliers da scoula, sco eir per persunas d'instrucziun, pudess dvantar uschè üna situaziun adüna plü difficila da surverer. Eir il chantun ha vis quist fat e decis da promouver l'installaziun da scoulas manadas. Culla nouva ledscha da scoula e culla nouva equalizaziun da finanzas es quai dvantà realtà cha plü o main tuot las scoulas dal chantun vegnan uossa manadas professiunalma. Dimena il manader nun es quel homun grit chi decida tuot, el ha tuot otras funcziuns.

La grappa da fusiun ha fat üna gronda lavur, analisà differentas soluziuns ed es gnüda a la conclusiun cha las scoulas dessan restar, ed eir gnir manadas, da maniera decentrala, voul dir mincha scoula ha ün manader chi cugnuoscha las circunstanzas e po dar il sostegn bsörgaivel a scolars, persunas d'instrucziun e genituors. In sezzüdas cumünaivlas i'l cclusus da circa üna jada al mais provain nus manaders da scoula da coordinar tuot quai chi fa dabsögn chi gnira unifichà i'l cumün, ma pudain eir insembel chattar soluziuns adattadas pellas singulas scoulas e barattar nossas ideas. Nus eschan dimena ün team da manaders.

Nossas incumbenzas principales sun:

- direcziun operativa da la scoula
- promozion da la collauraziun tanter persunas d'instrucziun
- persuna da contact tanter cussagl da scoula e team da magisters
- coordinaziun cullas differentas instanzas (p. ex. cussagl da scoula, inspectorat da scoula, departamaint d'educaziun, ...)
- planisaziun da l'andamaint in scoula (p. ex. uraris, substituziuns, büdschet, ...)
- comunicaziun vers inoura
- rapreschentaziun da la scoula invers il public

La prüma persuna da contact pels genituors e scolars es il magister da rom o il magister da classa. I's fa adüna darcheu l'experiensa cha malinleettas o conflicts vegnan scholts il meglér cun tscherchar directamaing il discours culs pertocs. In cas chi nu's riva insembel ad ün tapin po il manader surtour la funcziun da moderatur.

Nus Tils ingrazchain fich pella buna collauraziun

Mario Rauch, Aglaia Gallmann, Martina Näff e Gian Caviezel

Plan da scoula 2016

Scoula

06.01.2016 - 01.03.2016	02.03.2016 - 08.03.2016*
09.03.2016 - 04.05.2016	05.05.2016 - 22.05.2016
23.05.2016 - 01.07.2016	02.07.2016 - 21.08.2016
22.08.2016 - 07.10.2016	08.10.2016 - 23.10.2016
24.10.2016 - 23.12.2016	24.12.2016 - 08.01.2017*

* Causa cha'l Chalandamarz a Ftan ha lö adüna la sonda sun las vacanzas da Chalandamarz a Ftan dals 29 faver fin als 6 marz 2016.
Las vacanzas da Nadal a Sent cumainzan als 25 decembre 2016.

Üsanzas

Ftan

	Scuol
30 schn. 2016 Schüschaiver	08 schn. 2016 Pangronds
26 favr. 2016 Talocs	06 favr. 2016 Hom Strom
27 favr. 2016 Chalandamarz	01. marz 2016 Chalandamarz
22 dec. 2016 Nadal da scoula	23 dec. 2016 Nadal da scoula

Sent

	Tarasp
01. marz 2016 Chalandamarz	01. marz 2016 Chalandamarz
24 dec. 2016 Nadal da scoula	22 dec. 2016 Nadal da scoula

Dis da festa

06 schn. 2016	Il trais rais (be Tarasp)	15 - 16 mai 2016	Tschinquaisma
25 - 28 marz 2016	Pasqua	01. nov. 2016	Festa da tuot ils Sonchs (be Tarasp)
05 mai 2016	Ascensiun		

Quist chalender rimplazza tuot ils chalenders chi sun gnüts publichats plü bod!

Scoula Scuol

Manader da scoula	Mario Rauch	mario.rauch@scoula-scuol.ch
Secretaria	Gretta Ursina Garcia-Nogler	Tel. 081 861 27 62
Pedels	Elmar + Elisa Schöpf	Tel. 081 861 27 60
Tel. stanza da magisters	081 861 27 63	
E-mail	secretariat@scoula-scuol.ch	
Uras da büro	lündeschdi 13.30 - 15.00	
	mardi 11.00 - 12.00	
	gövgia 10.30 - 12.00	

Scoula Sent

Manader da scoula	Gian Caviezel
Pedel	Silvio Vital
Tel.	081 861 05 52
E-mail	giancaviezel@gmx.ch / scoula.sent@scuol.net
Uras da büro	gövgia 15.00 - 16.50

Scoula Ftan

Manadra da scoula	Martina Näff-Benderer
Pedella	Raja Schulze
Tel. stanza da magisters	081 864 09 29
E-mail	martinanaeff@hotmail.ch
Uras da büro	lündeschdi 15.15 - 16.30

Scoula Tarasp


Manadra da scoula	Aglaia Gallmann	Tel. 079 219 69 91
Pedella	Seraina Ammann	Tel. 078 764 61 79
E-mail	scoula.tarasp@scuol.net	
Uras da büro	gövgia 10.00 - 10.45 e 15.15 - 17.00	



la barsocca

pagina da la scoula da Sent

Sala da scoula



Quia fain nus nossas posas.
È quellas gioldaina cun giovar
a ballapè, ping pong eni.

Quist es üna stanza da
scoula. Quia imprendan ils
scolars. Illa primara sun pel
numaint 111-scolars, sul
s-chalin of 72 scolars e 29
magisters ed magistras in tuot
la scoula.



Illa sala da
gimnastica ed ill
bogn da nodar
fain nus las
leczions da sport.

Illa cuschina da
nossa scoula
cuschinaina
pastinas mm/mh...
ed otras man-
giativas.



Il s-chalin of
ha leczions da
cuschinar.



Quist es nossa stanza da scoula
e l'aula. L'aula vegn douurada
per nos chant. A chalandamarz
vegn'la douurada sco disco.

Quista scoula es avertiti per
tuots (magisters, scolars feints
o impeditis e tuot ils oters.)



Nus da la primara ans allegrain
finjà nostra da lavorar cun metal.


Illas ufficinas
da nossa scoula
fain nus cun
lajin o fier
nossas lavors
manualas.



Quist es la
sala cumunala.
Plü bona
d'eiraq quia a
ün kino.
Quia faina
nossas
prechanta-
ciuns.



Aint in quista chaser da
scoula da sur too ons daja
eir alch modern. P.ex. la
stanza da computers.



Ed uossa laina bivgnantar a tuot las scolaras ed ils scolars chi han cumanzà quist on la prüma classa:



prüma classa a Scuol



prüma classa a Sent



prüma classa a Ftan



prüma fin terza classa a Tarasp

Bainvgnüts ...

... da **Sent** Flurin Zanetti, Laura Andrichetti, Lea Sedlacek e Sven Ebben

... da **Tarasp** Lukas Dietrich

... da **Ftan** Anna Carpanetti, Béla Broermann, Chiara Fröhlich, Enya Kientzler, Giulia Bazzell, Jarno Beer, Lina Weber, Sienna Schucany e Svenja Stuppan

... da **Scuol** Alena Camastral, Alexandre da Silva Rodrigues, Andrin Barbüda, Anja Frank, Aurora Neuhäusler, Beatriz Rodrigues Rijo, Daniel Gawayjalek, Daniel Portela Oliveira, Gabriele Cuffulè, Gian Luca Gernet, Helio Cerqueira Ferreira, Inês Soares Dias, Laura Zöllner, Letícia Pinto Ribeiro, Luan Hoffmann, Luana Silva Gomes, Luc Meuwly, Luca Gurtner, Lukas Flini, Luna Ribeiro Moreira, Mara Amstutz, Marina Berakovic, Marissa Hope, Silas Furter, Soraja Vitalini, Philipp Kuhlhoff